

# Historia, cant e musica – ed in monument sonor

Sagogn ha commemorau siu 1250avel anniversari

■ (abc) Dumengia vargada ei la populaziun dalla vischnaunca da Sagogn s'entupada ella halla polivalenta per in'occurrnza festiva che serepeta buca schi spert. La populaziun ha dedicau in pign mo variont act festiv pigl anniversari da 1250 onns dapi l'emprema menziun da Sagogn el testament da Tello. Il cuntegn dil program ch'ei staus publicaus ha fatg gust. In program pulpiu cun cant, musica, in referat historic e la surdada dil «tschep da tuns». Lez punct ha fatg marveglias, pertgei ins saveva buca propi s'imaginar tgei che l'Uniu da giuventetgna da Sagogn hagi semtgau. En ina vischnaunca sefuorma era buca schi savens in chor ad hoc per embellir ina fiasta. Sch'ei dat denton ina caschun san ins clamar cantaduras e cantadurs – ed els dattan suatientscha. Aschia ei quei stau il cass avon 12 onns per la fiasta commemorativa per sur Gion Cadieli, lu pli tard pigl anniversari da 50 onns casa da scola Puntegias.

## Tratg in artg da melli onns

Questa stad ha in comite d'organisaziun puspei clamau il chor ad hoc. Sut la bitgetta da Georg Candrian ein 30 cantaduras e cantadurs s'entupai per exercitar zcontas canzuns per la festividat che ha giu liug dumengia vargada. Igl ei stau ina digna commemoraziun per in grond toc historia locala. Ils paucs dils rond 180 presents fuvan pertscharts dall'impurtonza che Sagogn ha giu duront melli onns en Surselva. Martin Bundi, historicher ed anterior cusseglier nazional, ha rendiu attent ils participonts als fatgs. En siu referat ha el tratg in artg naven dalla cultura dils Celts entuorn 400 avon Cristus, sur la conquista dalla Rezia tras ils Romans e la fundaziun dalla Rezia prima e la Rezia secunda entuorn igl onn 300 suenter Cristus.

Egl otgavel tschentaner, cu igl uestg da Cuera Tello ha scret siu renomau testament, deva ei gia numerus vitgets ella Foppa. Martin Bundi ha raquintau en siu referat dalla «Currazia» ed ha mussau la scartira ch'ins duvrava lu per scriver documents impurtonts. Ella donaziun dils 765 alla claustra da Mustér menziuna el cuorts grondas a Sagogn, Glion, Ruschein e Breil. Pli pintgas indichescha el a Schlans, cun ers e praus a Dardin, Danis e Trun. El testament ei era la famiglia Specha perpetnisada. El testament scriva el



Il referent Martin Bundi ed Uolf Candrian, il president dall'Uniu da giuventetgna da Sagogn, cul tschep da tuns che l'uniu ha regalau alla vischnaunca. Primavera duei quel vegnir inauguraus officialmein.

da tscheins specials da «spehatics» ad Andia. Martin Bundi ei il historiograf culla pli vasta e profunda savida en caussa dalla historia medievals grischuna. El ha saviu tener la tensiun cun entrar els nums da funs locals che uestg Tello ha menziunau el testament. Praus, alps e pastiras sco Tiert, Lavanuz, Nagens, Canginas, Sars ed auters dat ei aunc oz.

## «In dils bials da tut la Foppa»

Las excavaziuns fatgas avon prest 50 onns sil crest dil Casti a Schiedberg ed a Bregl da Heida han slargau considerablamein la savida historica grischuna. Il testament da Tello ei staus lezza gada la basa dallas lavurs archeologicas. Martin Bundi ha terminau siu referat cun citar il verset ch'in successur da Tello ha nudau 1200 onns pli tard en in cudisch. Igl uestg da Cuera, Cristianus Caminada, haveva scret 1961 ella publicaziun «Die verzauberten Täler» il suandont davart l'impurtonza dalla Foppa: «Cresta Munteina, Platta Pussenata e Mundaun, valan dapli che Brescia e Milaun».

Ina fiasta a Sagogn senza l'uniu da musica ei buc ina dretga fiasta. Ed ella ei stada fideivla a ses principis. Sut la bitgetta da vicedirigint Michael Cadruvi ha la musica sunau tocs che s'accordan culla serada culturala. Dapi ch'ella ei vegnida fundada ils 1961 ha la musica embelliu nundumbrevilas occurrenz ecclesiasti-

cas e profanas. Igl ei la musica ch'il referent Martin Bundi haveva dirigiug alla fin dils onns tschunconta cu ella sunava aunc culs da Valendau. L'uniu da musica ha introduciug il program cul marsch «Eidgenossen». Cun quel ha l'uniu gudignau ils 30 da matg la concurrenza da marschar alla fiasta districtuala a Sursaissa. Igl auditori ella halla polivalenta ha gaudiu musica e cant tier las tematicas «patria» e «historia». La musica ha sunau il toc «In dils bials da tut la Foppa» che Hans Erni haveva cumponiu aposta per la Fiasta da cant districtuala dils 1936 tenor text da Gion Cadieli. La versiun per musica da brass ha Thomas Rüedi arranschau. Silsuenter ha il chor cantau il medem toc, cun arranchament da Giuseppe Tschuur.

## Il tschep da tuns

La contribuziun che l'uniu da giuventetgna haveva semtgau per la fiasta commemorativa 1250 onns ei stada fetg interessanta, ei deplorablamein ida empau a piarder el program. Aposta per la festividat han il president e sia squadra creau in tschep da tun. Ei setracta d'in grond best da varga dus meters altezia d'in pégn ch'il revier forestal ha pinau aposta per quei intent. Uolf Candrian cun ses gidonters Mauro Arpagaus, Fabio Caprez, Lino-Matteo Vinzens, Silvan Beeli, Samuel Maisen e Noah Weber han fatg in regal extraordinari alla vischnaunca politica da Sagogn.

Ins savess numnar igl object «tschep sonor». All'entrada dalla halla polivalenta havevan ils giuvens tschentau igl interessant object voluminus cun cuntegn sonor.

Uolf Candrian ha presentau e surdau el allas autoritads. Il tschep cuntegn en siu intern 12 tocs auditivs tier las spartas historia, cultura, musica e poesia. Finamira eis ei da tschentiar si il «tschep sonor» regularme in ed alternond els differents quarters dil vitg. Igl object cun sia dimensiun ei ina nova attraziun pil vitg. Tgi che «aplichescha» il best sa smaccar sil nuv e tedlar contribuziuns auditivas da Sagogn. El tschep han ils giuvens entagliau 12 nodas-casa da famiglias da Sagogn. Sco quei ch'il president dall'uniu, Uolf Candrian, scriva ella brochurta emprova il tschep da tun da far attent ils proxims onns alla vasta historia dalla vischnaunca. Il lenn duei regurdar alla gronda rihezia digl Uaul Grond. Il tschep cumpeggia ztgei ord mintga epoca ed unescha aschia niev e vegl. Ei gida denton nuot da construir in monument senza far attent explicit a quel. Perquei duess il «tschep sonor» da Sagogn aunc vegnir inauguraus officialmein primavera proxima. Il graficher Remo Caminada ha creau e produciu ils placats che l'uniu da giuventetgna haveva schau far per la fiasta. Era il frontispazi dalla brochura pil tschep da tuns porta la «noda-casa» da Remo Caminada.

## NOVITADS.WWW.RTR.CH

### Circus Nock va a Breil

Dapi passa 50 onns è il Circus Nock stà a Mustér. Mo uss na vegn el betg pli. Sco la pledadra da medias dal Circus Nock Mina Seiler ha ditg ad RTR hajan els stui bandunar Mustér. Il plaz nua ch'els eran staziunads, il parcadi da las pendicularas, vegn duvrà per in resort da vacanzas. Els hajan era tschertgà alternativas a Mustér, ma chattà nagut – era betg a Trun. La finala, suenter ch'ina persuna da Breil haja udi in rapport en RTR sur da la situaziun a Mustér, haja Breil dumandà els sch'il Circus Nock veglia vegnir là. Quai ha il president communal Clau Schlosser confermà ad RTR. Tenor el è l'argument impurtant che Breil haja ina purschida dapli la stad. Uss vul la famiglia Nock guardar co quai è a Breil. Guardar stoppian els era co quai giája cun il transport, surtut tras il vitg stretg da Danis. Mo sco Mina Seiler di sajan lur manischnunz endisads da manevrar. Suenter Breil cuntinua la turnea dal Circus Nock a Flem, a Cazas e lura vinavant sur il Pass dal San Bernardino vers sid.

### Rumantsch per collavurats da la claustra

Igl è in novum: Per ils collavurats da la claustra da Mustér datti in curs da rumantsch. 14 personas èn s'annunziadas per quest curs. Sco intgins dad els han ditg ad RTR n'èsi betg simpel d'emprerder rumantsch, surtut era da discurren. Er il rector da la claustra da Mustér Bruno Hensler fa part dal curs da rumantsch. Els hajan vuli organisar quel per ch'els collavurats possian sa fatschentar cun linguatg e cultura, perquai che la claustra saja ina part da la Surselva. Participantas e participants dian ch'els veglian emprerder sursilvan per s'integrar, perquai ch'els vivian en la regiun e lavurian en claustra e perquai ch'els veglian discurren cun la gliued ed era cun la famiglia. Mo sper la lavur d'emprerder e far pensums han els – ed er il scolast Kurt Jeitziner – plaschair dal curs da rumantsch.

LA QUOTIDIANA

RECLAMA

# Wochenend-Knaller!

Gültig am Freitag + Samstag

## 20%

auf alle Weine und Lindt-Produkte\* – auch auf bestehende Aktionspreise!

Gültig in allen Denner Verkaufsstellen, unter [www.denner-wineshop.ch](http://www.denner-wineshop.ch) und in der Denner App.

\*ausgenommen Schaumweine und Bordeaux Grands Crus 2013. Nicht mit Gutscheinen, Boni und Rabatten bei Neueröffnungen und Weinreisen kombinierbar. Soziale Verantwortung.

### Rindsfilet Black Angus

Australien, ca. 800 g, per 100 g

1/2  
Preis

5.49

statt 11.-\*

### L&M Special Edition

- Red Label
- Blue Label
- Forward
- Silver Blue Label

Box, 10 x 20 Zigaretten

Auch als Einzelpackung erhältlich! 6.70 statt 7.30\*

67.-

statt 73.-\*

Weil es für die Liebsten ist.

6.-  
sparen

\*Konkurrenzvergleich

Aktionen gültig am Freitag, 27. und Samstag, 28. November 2015 / solange Vorrat / Druck- und Satzfehler vorbehalten / jetzt abonnieren: [www.denner.ch/newsletter](http://www.denner.ch/newsletter)

Einer für alle **DENNER**